



Til:

Mette Arqe-Hammeken

Inatsisartunut ilaasortaq

/Maani

**Inatsisartut suleriaasianni § 37, imm. 1 naapertorlugu
apeqqutitut nr. 17/2026-mut akissutit.**

11-02-2026
Sags nr. 2026 - 1591
Dok. nr. 26248666

Apeqquut Inatsisartut suleriaasianni § 37, imm. 1 naapertorlugu Inatsisartuni
ilaasortamit Mette Arqe-Hammeken-imit apeqqutigineqartut Naalakkersuisut
februaarip ulluisa qulinganni 2026 tiguaat.

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Apeqquutit kingornanni akissuteqarpoq.

**1. Naalakkersuisut ilisimatitsissutigisinnaavaat Kalaallit Nunaat
kiap/kikkut pigigaat?**

Akissut:

*Namminersorneq pillugu inatsimmi ulloq 12. juuni 2009-imeersoq ima
allaqqavoq:*

*“Folketingip akueraa aamma Uagut akuersinitsigut inatsit manna
aalajangersarpaa:*

*Nunat tamat akornanni inatsisit malillugit inuiaat kalaallit namminneq
aalajangiisinnassuseqarlutik inuiaanerat akueralugu inatsisip matuma
tunngavigai Danmarkip Kalaallit Nunaatalu akornanni peqatigiinnermi
naligiimmik ataqpeqatigiinnerup tatigeqatigiinnerullu siuarsarnissaannik
kissaateqarneq. Tamatumunnga naapertuuttumik inatsisip matuma tunngavigaa
Naalakkersuisut Danmarkimilu naalakkersuisut naligiissutut
isumatigiissutigaat.”¹*

¹ Lov nr 473 af 12_06_2009

Nangillugu Kapitali 2, Namminersorlutik Oqartussat suliassaqaarfinnik tiguisinnaanerat naapertorlugu *Ilanngussaq, Nalunaarsukkat II, 26)* Atortussiassanik aatsitassanit pisunit tunngasut aallaavigalugu aatsitassarsiorneq pillugu suliaq Kalaallit Nunaannit 2010-mi akisussaaffigineqalerpoq, tamatumani *Aatsitassanut tunngasunik suliaqarneq pillugu Inatsisartut inatsisaanni*² atuuttumi *pisinnaatitsissummik pigisaqartut*³ Namminersorlutik Oqartussat aqqutigalugu inuiannit kalaallinit ingerlanneqarluni.

2. **Nammineq uagut kalaallit pigaarput oqartussaaffigalugulu qanoq iliornissamik aalajangiisinnaalluta Kunneqarfik Danmark aqqutigeqqaarnagu?**

Akissut:

Apeqqut 1.-imut akissut takuuk.

3. **Uagut Kalaallit inatsisitigut naqissusikkamik kinaassuseqarpugut imaluunniit oqaasiinnartigut oqaannarluta “uanga kalaaliuvunga” taamatut kinaassuseqartitaavugut?**

Akissut:

Apeqqut 1.-imut akissut takuuk.

4. **Inatsisitigut kinaassuseqarutta, suut piumasagaataappat? Sumilu atuarneqarsinnaappat?**

Akissut:

Namminersorneq pillugu kalaallit qallunaallu isumalioqatigiissitaasa

Kalaallit Nunaanni namminersornermik isumaliutissiissutaani, 2.3

Inuiaat inatsisaasa sinaakkusiussaati-ni qupp. 35-mi

atuarneqarsinnaavoq, ilanngullugu Apeqqummut 1-imut akissut: Inuiaat

kalaallit inuiaat tamat inatsisaannut tunngatillugu inuiattut

isigineqarnersut? qupp. 435-443-imiittoq atuarneqarsinnaavoq.

² [Inatsisartutlov nr 26 af 13_06_2023](#)

³ Rettighedshaver

5. **Qanoruna kalaallit uagut inissisimasugut - 100%-imik sumiinnerlunga paaserusuleqqavara, oqaluttoqarpormi Kunngearfiup ataaniikkatta qallunaajusugut, tassa kalaaliusugut qallunaanit pigineqartut - ilumoorpa qallunaajusugut?**

Akissut:

Naalagaaffimmi innuttaassuseqarneq⁴ aamma inuiaassuseqarneq⁵ inatsisitigut immikkooruteqarneri malugeqquneqarpoq, matumani naalagaaffimmi innuttaassuseqarneq qallunaatut innuttaassuseqartutut inissisimavoq, pisinnaatitaaffeqarnerli naapertorlugu kalaallisut passitaartoqarsinnaavoq.

*Ilanngullugu immikkut inuiaassuseq⁶, tassa kalaaliussuseq, *nammineq aalajangiinissamut pisinnaatitaaneq⁷* naapertorlugu Kalaallit Nunaanni innuttaasut kalaaliusutut taaneqartalerput.*

Inussiarnersumik inuulluaqqusillunga
Med venlig hilsen



Jens-Frederik Nielsen

⁴ Statsborgerskab

⁵ Nationalitet

⁶ Etnicitet

⁷ Selvbestemmelsesret